

Zaldibarren erdikoa



IRASTORTZA GARMENDIA familia

ZALDIBARREN Elbarrena auzoko baserria da. Bere inguruko baso eta zelaien izenen artean dauzkagu *Estraondo*, *Ordeko soro*, *Txara punta*, *Arama alde*, *Lizarra basoa*, *Angunalde*, *Muñota baso*... Bertakoek diotenagatik bere izena Zaldibiko azken etxea izatetik dator, alegia Zaldibin barrera egoteagatik.

Etxe jabe dira *Zaldibarren erdikoak* 1900az geroztik. Hamabost mila pezetan erosi zuten. Baserria erre egin zen eta dena berritu behar izan zuten 1994an.

Joxe Manuel Irastortza Olaberriko *Erzilla* baserriko Mikaela Bereziartuarekin ezkondu zen. Aita-amak eta bi osaba-izeba bizi ziren baserrian ezkondu zirenean.

Ondorengo belaunaldian, Joxe Domingo Irastortza, etxeko semea, Joxepa Garmendiarekin ezkondu zen. Lau seme-alaba izan zituzten: Joxe Manuel, Lurdes, Jexus eta Fermin.

Baserrian baziren animaliak, sei behi eta bi idi. Bertan egiten zuten artoa, babarruna, patata, garia... Ordiziako ferian saltzen omen zituzten gaztainak, esnea, arrautzak eta oilaskoak.

Sagardoa ere egiten zuten, horretarako baserrian toleara eta hiru kupel handi zituzten. Bi kupel 1980ko hamarkadan Legorretako sagardotegira saldu zituzten.

Fabrikan ez zuen inork lan egin, 1957an Fabrika Handian Fermin hasi zen arte.



Baserriaren arrastoa idatzietan

Zaldivibarrena agertzen da 1783-12-17an, Francisco Antonio de Echaveren aurrean, Enerio eta Aralarko sailen erabileraz bitartekari bati emandako botere-emaielen artean. Aipatzen denagatik lagun bat agertu zen bilerara.

Pasadizoak

Dotrina

Garai hartan indar handia zuen elizak, eta dotrinan ondo ez zekitelako, zigortuta egonak ziren batere bazkaldu gabe iluntzera arte.

Informazio emailea: Joxe Manuel Irastortza



IRASTORTZA BEREZIARTUA familia

Mari Kruz, Ana, Joan, Joxe, Joxe Domingo / Joxe Manuel eta Mikaela (aita-amak).



Joxepa Garmendia eta Joxe Domingo Irastortza.



IRASTORTZA GARMENDIA familia

Fermin, Joxe Manuel, Lurdes eta Jexux (anaia-arrebak) eta Dimas Jauregi eta Mari Kruz Irastortza (osaba-izebak).